



МОНГОЛ УЛСЫН ИХ ХУРЛЫН ГИШҮҮН
Ширэнбандын АДЫШАА

14201 Улаанбаатар хот, Сүхбаатар дүүрэг,
Жанжин Д.Сүхбаатарын талбай 1, Төрийн ордон,
Утас: 26-61-40, Факс: 32-70-16
E-mail: adishaash@parliament.mn
<http://www.parliament.mn>

2022.11.09 № УИХ-03/10600
танай _____-ны № _____-т

Хуулийн төсөл өргөн
мэдүүлэх тухай

Монгол Улсын Үндсэн хуулийн 26 дугаар зүйлийн 1 дэх хэсэг, Монгол Улсын Их Хурлын тухай хуулийн 8 дугаар зүйлийн 8.1.1-д заасан бүрэн эрхийнхээ дагуу “Нөхөх олговор олгох тухай” хуулийн төслийг санаачлан боловсруулж, өргөн мэдүүлж байна.

Уг хуулийн төслийг Улсын Их Хурлын чуулганы хуралдаанаар хэлэлцүүлж өгнө үү.

Хавсралт 59 хуудастай.

Хүндэтгэсэн,

УЛСЫН ИХ ХУРЛЫН
ГИШҮҮН

Ш.АДЫШАА
Ч.ХҮРЭЛБААТАР

000636



МОНГОЛ УЛСЫН ИХ ХУРЛЫН ГИШҮҮН
Ширэнбаньдын АДЬШАА

14201 Улаанбаатар хот, Сүхбаатар дүүрэг,
Жанжин Д.Сүхбаатарын талбай 1, Төрийн ордон,
Утас: 26-61-40, Факс: 32-70-16
E-mail: adishaash@parliament.mn
<http://www.parliament.mn>

2022.11.04 № УИХ-03/10454
танай _____-ны № _____-т

Хуулийн төсөл өргөн мэдүүлэх
тов тогтоолгох тухай


Монгол Улсын Үндсэн хуулийн Хорин зургадугаар зүйлийн 1 дэх хэсэг, Монгол Улсын Их Хурлын тухай хуулийн 8 дугаар зүйлийн 8.1.1 дэх заалт, Хууль тогтоомжийн тухай хуулийн 5 дугаар зүйлийн 5.1 дэх хэсэгт заасан бүрэн эрхийнхээ дагуу “Нөхөх олговор олгох” тухай хуулийн төслийг санаачлан боловсрууллаа.

Хууль тогтоомжийн тухай хуулийн 40 дүгээр зүйлд заасны дагуу хянан үзэж, Улсын Их Хуралд өргөн мэдүүлэх тов тогтоож өгнө үү.

Хуулийн төсөл, үзэл баримтлал, танилцуулга болон холбогдох материалыг хавсаргав.

Хавсралт ~~57~~ хуудастай.

УЛСЫН ИХ ХУРЛЫН
ГИШҮҮН



Ш.АДЬШАА

000052



МОНГОЛ УЛС
ЗАСГИЙН ГАЗРЫН ХЭРЭГ ЭРХЛЭХ ГАЗАР

20... он 11 дугаар
сарын 03 ны өдөр

Дугаар 101 / 0607

Улаанбаатар-12
Утас: 260817
Факс: 976-11-310011

УЛСЫН ИХ ХУРЛЫН ГИШҮҮН Ш.АДЬШАА,
Ч.ХҮРЭЛБААТАР НАР ТАНАА ✓

Хуралдааны тэмдэглэл
хүргүүлэх тухай

Та бүхний санаачлан боловсруулсан Нөхөх элговор олгох тухай хуулийн төслийг хэлэлцсэн Засгийн газрын 2022 оны 10 дугаар сарын 19-ний өдрийн хуралдааны тэмдэглэлийг хүргүүлж байна.

Хүлээн авч, танилцахыг хүсье.

Монгол Улсын сайд,
Засгийн газрын Хэрэг
эрхлэх газрын дарга



Д.АМАРБАЯСГАЛАН

000225014154

МОНГОЛ УЛСЫН ЗАСГИЙН ГАЗРЫН ХУРАЛДААНЫ ТЭМДЭГЛЭЛЭЭС

Монгол Улсын Засгийн газрын 2022 оны 10 дугаар сарын 19-ний өдрийн хуралдааны 50 дугаар тэмдэглэлд:

“ҮҮ.ХЭЛЭЛЦСЭН нь: Улсын Их Хурлын гишүүн Ш.Адъяаа, Ч.Хүрэлбаатар нарын санаачлан боловсруулсан Нөхөх олговор олгох тухай хуулийн төсөл

ШИЙДВЭРЛЭСЭН нь: Улсын Их Хурлын гишүүн Ш.Адъяаа, Ч.Хүрэлбаатар нарын санаачлан боловсруулсан Нөхөх олговор олгох тухай хуулийн төсөлтэй танилцаад дараахь саналыг хууль санаачлагчдад хүргүүлэхээр тогтов:


1. Хуулийн үйлчлэх хүрээг Эрдэнэбүрэнгийн усан цахилгаан станц төсөл төдийгүй үндэсний хэмжээний томоохон бүтээн байгуулалт, дэд бүтцийн төсөл, хөтөлбөрийг хэрэгжүүлэхэд нийтлэг байдлаар үйлчлэх боломжтой эсэхийг нягтлах.

2. Төслийн нөлөөлөлд өртөх өрхөд олгох нөхөх олговрын хэмжээг 30 сая төгрөг байхаар тогтоосон үндэслэл, баримталсан аргачлал тодорхойгүй байх тул үнэлгээ тооцох аргачлал, үнэлгээний хэмжээг Засгийн газар тогтоох байдлаар өөрчлөх.

3. Нөхөх олговор олгох санхүүжилтийн эх үүсвэрийг БНХАУ-аас төсөлд зориулан олгох зээлийн хөрөнгөөс шийдвэрлэх нь Өрийн удирдлагын тухай хуулийн 6.2-т заасан “өр үүсгэж байгаа аливаа этгээд нь зээллэгийн хөрөнгийг зориулалтын дагуу үр ашигтай ашиглах, төсвийн сахилга батыг сахих” зарчимд нийцэхгүй, мөн хуулийн 24.1-д заасан гадаад зээлийн хөрөнгийн ашиглах хэлбэрт хамаарахгүй байна.

Түүнчлэн, БНХАУ-аас олгох зээлийн хөрөнгийг зөвхөн төслийн барилга угсралтын ажил, тоног төхөөрөмжийн нийлүүлэлт болон түүнтэй холбоотой бусад санхүүжилтэд зарцуулах бөгөөд төслийн талбайн бэлтгэл ажил, газар чөлөөлөлттэй холбоотой зардлыг санхүүжүүлэхийг тус улсын эрх бүхий байгууллагаас зөвшөөрөөгүй болно.

4. Хуулийн төслийн тандан судалгааны тайланд Эрдэнэбүрэнгийн усан цахилгаан станц төслийн нөлөөлөлд өртөж байгаа өрхөд нөхөх олговор олгох асуудлыг шинээр хуулийн төсөл батлахаас гадна өөр бусад зохицуулалтын хувилбарыг холбогдох шалгуур үзүүлэлтийн дагуу тандан судалсан, харьцуулсан дүгнэлт хийсэн нь тодорхойгүй байгааг анхаарах шаардлагатай.” гэжээ.



ЗАСГИЙН ГАЗРЫН ХЭРЭГ ЭРХЛЭХ ГАЗАР